



國語
鄭
越楚



當時若無寇準天下分為南北矣準之功不在於主親
征而在於當時畫計保百年無事之計向使其言獲用一

朝廷用人如梓人之度材也大者為棟梁小者為榱桷
人主論功行賞以武臣為先而不及於諫諍之士蓋
以武將勤勞死裏逃生乃成厥績遂銘功太常恩覃
帶礪此則封功錫爵之彝典也殊不知武臣之功能平

馮拯氣貌嚴重而乏風節議論多迎合上意平居自奉侈靡外示儉陋人莫能知至是以疾罷以王欽若秉政未嘗兼官職者天禧末初命宰相丁謂馮拯少師傅樞密使曹利用兼少保參政王曾副樞錢惟寅皆兼賓客直氣勁節悉責元良計培國本誼凜性直剛毅惡吏苛刻為政務敦厚雖疾惡如仇而

國語第六

鄭

穆文熙曰王者不擇地伯者不擇國鄭之故地未為不善也而乃謀遷號節之間欲兼而有之不義已甚而又南鄰楚址鄰晉王帛待於二境幸為人所兼豈非為謀之舛哉

鄭桓公為司徒甚得周衆與東土之人問於史伯曰王室多故余懼及焉其何所可以逃死史伯對曰王室將卑戎翟必昌不可偏也彼當成周者南有荆蠻申呂應鄧陳蔡隨唐北有衛燕翟鮮虞路洛泉徐蒲西有虞虢晉隗霍楊魏芮東有齊魯曹宋滕薛鄒莒是非王之支子母弟甥舅也則皆蠻荆戎翟之人也非親則頑不可入也其濟洛河潁之間

國語 鄭

新語一卷單
叙桓公避難
遷都一事中
念成周列國
興亡共四大
段首言戎翟
次南方次西
州後則總言
周之辭引據
精詳敷陳明
悉其文辭則
如老翁談家
常事以質實
勝

乎是其子男之國號郟為大號叔恃勢郟仲恃險
是皆有驕侈怠慢之心而加之以貪冒君若以周
難之故寄孥與賄焉不敢不誅周亂而弊是驕而
貪必將背君君若以成周之衆奉辭伐臯無不克
矣若克二邑郟鄆偃蔽補丹依柔歷莘君之土也若前
莘後河右洛左濟主浮駟隗而食溱洧修典刑以守
之唯是可以少固公曰南方不可乎對曰夫荆子
熊嚴生子四人伯霜中雪叔熊季紉向法叔逃向法難於濮
而蠻季紉是立遠氏將起之禍又不克是天啓之向法

倒叙

心也又甚聰明蘇協蓋其先王臣聞之天之所啓
十世不替夫其子孫必光啓土不可偏也且重黎
之後也夫黎為高辛氏火正以淳耀懼惇大天明地
德光照四海故命之曰祝融其功大矣夫成天地
之大功者其子孫未嘗不章虞夏商周是也虞幕
能聽協風以成樂物生者也夏禹能單都寒平水土以
品處庶類者也商契易能蘇合五教以保於百姓者
也周棄能播殖百穀疏以衣食民人者也其後皆
為王公侯伯祝融亦能昭顯天地之光明以生柔

成樂物生言
成育萬物使
之樂生也一
作成物樂生

嘉材者也其後八姓於周未有侯伯佐制物於前
 代者昆吾為夏伯矣大彭豕韋為商伯矣當周未
 有已姓昆吾蘇顧溫董董姓子醜夷參龍則夏滅之
 矣彭姓彭祖豕韋諸稽則商滅之矣秃姓舟人則
 周滅之矣妘姓鄔鄔路偃陽曹姓鄒莒皆為采衛
 或在王室或在夷翟莫之數也而又無令聞必不
 興矣斟姓無後融之興者其在芊姓乎芊姓夔越
 不足命也蠻芊蠻矣唯荆實有昭德若周衰其必
 興矣姜嬴荆芊實與諸姬代相干也姜伯夷之後

偃補日切又
 彼力切

棟入齊秦

也嬴伯翳於計之後也伯夷能禮於神以佐堯者也伯
 翳能議百物以佐舜者也其後皆不失祀而未有
 興者周衰其將至矣公曰謝西之九州何如對曰
 其民徒合雅字沓貪而忍不可因也唯謝嘉邾之間其冢君侈
 驕其民怠沓其君而未及周德若更君而周訓之
 是易取也且可長用也公曰周其弊乎對曰殆於
 必弊者大誓曰民之所欲天必從之今王棄高明
 昭顯而好讒慝暗昧惡角犀雅字豐盈而近頑童窮固
 去蘇而取同夫蘇實生物同則不繼以它平它謂

善論

國語 鄭

素所白切一作素

咳或作垓

之。穌。故。能。豐。長。而。物。生。之。若。以。同。禪。向。盡。乃。棄。矣。
故。先。王。以。土。與。金。木。水。火。雜。以。成。百。物。是。以。穌。五。
味。以。調。口。剛。四。支。以。衛。體。穌。六。律。以。聰。耳。正。七。體。
以。役。心。平。八。索。以。成。人。建。九。紀。以。立。純。德。合。十。數。
以。訓。百。體。出。千。品。具。萬。方。計。億。事。材。兆。物。收。經。入。
行。姦。極。故。王。者。居。九。咳。之。田。收。經。入。以。食。兆。民。周。
訓。而。能。用。之。穌。樂。如。一。夫。如。是。穌。之。至。也。於。是。乎。
先。王。聘。后。於。異。姓。求。財。於。有。方。擇。臣。取。諫。工。而。講。
以。多。物。務。穌。同。也。聲。一。無。聽。物。一。無。文。味。一。無。果。

刺與專通高子信而不見敬者好刺行也

物。一。不。講。王。將。棄。是。類。而。與。刺。同。天。奪。之。明。欲。無。
弊。得。乎。夫。號。石。父。讒。諂。巧。從。之。人。也。而。立。以。為。卿。
士。與。刺。同。也。棄。聘。后。而。立。內。妾。好。窮。固。也。侏。儒。戚。
施。寔。御。在。側。近。頑。童。也。周。法。不。昭。而。婦。言。是。行。用。
讒。慝。也。不。建。立。卿。士。而。妖。試。幸。措。行。暗。昧。也。是。物。
也。不。可。以。久。且。宣。王。之。時。有。童。謠。曰。繫。弧。箕。服。實。
亡。周。國。於。是。宣。王。聞。之。有。夫。婦。鬻。是。器。者。王。使。執。
而。戮。之。府。之。小。妾。生。女。而。非。王。子。也。懼。而。棄。之。此。
人。也。收。以。奔。喪。喪。人。有。獄。而。以。為。入。天。之。命。此。久。

不例叙

章法

矣其又可為乎訓語有之曰夏之衰也褒人之神
 化為二龍以同於王庭而言曰余褒之二君也夏
 后卜殺之與去之與止之莫吉卜請其殽而藏之
 吉乃布幣焉而策告之龍亡而殽在櫝而藏之傳
 郊之及殷周莫之發也及厲王之末發而觀之殽
 流於庭不可除也王使婦人不憚而韋譟小報之化為玄
 龜以入於王府府之童妾未既初亂而遭之既筭而
 孕當宣王而生不夫而育故懼而棄之為弧服者
 方戮在路夫婦哀其夜號也而取之以逸逃於褒

褒人褒姒有獄而以為入於王王遂置之而嬖是
 女也使至於為后而生伯服天之生此久矣其為
 毒也大矣將俟淫德而加之焉雅字毒之首腊者其殺
 也滋速申繒西戎方疆王室方騷將以縱欲不亦
 難乎王欲殺太子以成伯服必求之申申人弗界
 必伐之若伐申而繒與西戎會以伐周周不守矣
 繒與西戎方將德申申呂方疆其隩於愛太子亦必
 可知也王師若在其救之亦必然矣王心怒矣向法號
 公從矣凡周存亡不三稔矣審君若欲避其難速規

總論
徐波

偶與後同

所矣。時至而求用，恐無及也。公曰：若周衰，諸姬其孰興？對曰：臣聞之，武實昭文之功，文之胙盡武其嗣乎？武王之子，應韓不在其晉乎？距險而鄰於小，若加之以德，可以大啓。公曰：姜嬴其孰興？對曰：夫國大而有德者，近興。秦仲、齊侯、姜嬴之儁也。且大其將興乎？公說，乃東寄拏與賄，號郟受之十邑。皆有寄地。幽王八年而桓公爲司徒，九年而王室始騷，十一年而斃。及平王末而秦晉齊楚代興，秦景襄於是乎取周土，晉文侯於是乎定天子，齊莊

僖於是乎小伯，楚蚡步冒於是乎始啓濮。

桓公周厲王之少子。宣王封之於鄭。茅騶山名。主爲之神主也。遠氏楚大夫。熊霜之世。叔熊逃奔濮而從蠻俗。熊霜死。國人立季紉。遠氏將起叔熊立之。又有禍難而不能立也。虞幕舜後。虞思也。單盡也。疏草菜之可食者。八姓祝融之後。已董彭秃姪曹斟芋也。謝宣王之舅申伯之國也。一千五百家曰州。杏驥也。郊後屬鄭。鄭衰楚取之。魯昭元年傳曰：葬王於郊。謂之郊敖。是也。周德之周忠信也。角犀。顏角有伏犀。豐盈頰輔豐滿。皆賢明之相。以它平它。謂陰陽相生。異味相蘇也。剛彊也。七體七竅。八索謂八體。以應八卦也。乾爲首。坤爲腹。震爲足。巽爲股。離爲目。兌爲口。坎爲耳。艮爲手。九紀九藏也。正藏五。又有冒膀胱腸膽也。紀所以經紀性命。立純德也。周禮曰：九藏之動。賈唐云：九紀九功也。十數自王以下。位有十等。王臣公。公臣大夫。大夫臣士。士

臣卑。卑臣與。與臣隸。隸臣僚。僚臣僕。僕臣臺。百體。百官各有體屬也。合此十數之名。以訓導百官之體也。百官官有徽品。十於王。謂之千品。五物之官。陪屬萬位。謂之萬方。方道也。計筭也。材裁也。經常也。姦備也。萬萬曰姦。數極於姦也。自十等至千品萬方。轉相生。故有億事兆物。王收其常入。舉九姦之數也。九咳。九州之極數也。果美也。講論校也。試用也。措置也。山桑曰檠。弧弓也。箕。木名。服。夫房也。共處曰同。祭。龍所吐沫。龍之精氣也。傳。郊之傳。祭於郊也。裳。正幅曰幃。謀謹呼也。鼃。或為蚘。蚘。蜥蜴也。象。龍。遭。遇也。毀齒。曰亂。未既亂。毀未畢也。女。七歲而毀齒。十五而笄。置之。赦。褒姒也。精熟為會。腊。極也。申。幽王前。后太子宜臼之舅也。繒。申之與國。西戎亦黨於申者。必求之申。太子將奔申。故也。畀。與也。申。呂同姓。隩。隱也。稔。年也。求用之用。猶備也。秦仲。嬴姓。附庸。為宣王大。夫。齊侯。齊莊公也。十邑。謂虢。鄆。鄆。蔽。補。丹。依。喙。歷。莘也。後桓公之子武公。竟

取十邑之地而居之。今河南新鄭是也。賈侍中云。寄地。猶寄止也。景。當為莊。莊公。秦仲之子。有功於周。周賜之上。及平王東遷。襄公佐之。故得西周豐鎬之地。始命為諸侯也。晉文侯。文侯仇。迎平王定於洛邑。小伯。小主。諸侯會盟。蚘。冒。季。紉之孫。

皇明萬曆己未仲秋烏程閔齊伋遇五父裁注



國語第七

楚

莊王使士亶傅太子蒧，辭曰：臣不材，無能益焉。王曰：賴子之善，善之也。對曰：夫善在大子，太子欲善，善人將至；若不欲善，善則不用。故堯有丹朱，舜有商均，啓有五觀，湯有大甲，文王有管蔡，是五王者，皆元德也，而有姦子，夫豈不欲其善，不能故也？若民煩可教訓，蠻夷戒翟，其不賓也久矣。中國所不能，用也。王卒使傅之，問於申叔時，叔時曰：教之春

魯忘偉切徐
鉉引說文無
亶字當作媿
蒧之林切按
史記左傳楚
共王名皆作
審
此見噎糜食
之論不可為
訓

秋而為之聳善而抑惡焉以戒勸其心教之世而為之昭明德而廢幽昏焉以休懼其動教之詩而為之道廣顯德以耀明其志教之禮使知上下之則教之樂以疏其穢而鎮其浮教之令使訪物官教之語使明其德而知先王之務用明德於民也教之故志使知廢興者而戒懼焉教之訓典使知族類行比義焉若是而不從動而不悛則文詠物以行之求賢良以翼之悛而不攝則身勤之多訓典刑以納之務慎惇篤以固之攝而不徹則明施

可飲

舍以道之忠明久長以道之信明度量以道之義明等級以道之禮明恭儉以道之孝明敬戒以道之事明慈愛以道之仁明昭利以道之文明除害以道之武明精意以道之罰明正德以道之賞明齊肅以耀之臨若是而不濟不可為也且夫諷詩以輔相之威儀以先後之體貌以左右之明行以宣翼之制節義以動行之恭敬以臨監之勤勉以勸之孝順以納之忠信以發之德音以揚之教備而不從者非人也其可與乎夫子踐位則退自退

則敬不則報

五觀啓子。太康昆弟也。傳曰。夏有觀扈。煩亂也。春秋見晉語。世先王之世繫也。昭顯也。為之陳有明德者世顯。而闇亂者世廢也。道廣之道。開也。令先王之官法時令。攝固也。施施已所欲。舍原心舍過。昭明也。明利言利人及物也。明精意者斷之以情也。正德謂不私所愛也。耀明也。臨臨事。宜徧也。夫子太子也。退謙退。自退則見敬也。報懼也。不自退則恒憂懼。

孫令

恭王有疾召大夫曰不穀不德失先君之業覆楚國之師不穀之臯也若得保其首領以沒唯是春秋所以從先君者請為靈若厲大夫許諾王卒及葬子囊議諡大夫曰君王有命矣子囊曰不可夫

事君者先其善不從其過赫赫楚國而君臨之撫征南海訓及諸夏其寵大矣有是寵也而知其過可不謂恭乎若先君善則請為恭大夫從之

業伯業謂鄆陵之戰為晉所敗亂而不損曰靈殺戮不辜曰厲言春秋禘祫當以主諡序昭穆從先君於廟也。寵榮也。諡法既過能改曰恭。先君善先其善事也。

屈到嗜芟有疾召其宗老而屬之曰祭我必以芟

及祥宗老將薦芟屈建命去之宗老曰夫子屬之

子木曰不然夫子承楚國之政其法刑在民心而藏在王府上之可以比先王下之可以訓後世雖

柳宗元曰門內之禮恩掩義父子恩之至也而芟之薦不為愆義屈子以禮之末忍絕其父將死之言吾

國語 楚定

未敢賢乎爾也禮之言齋也曰思其所嗜屈建曾無思乎

湫子消切左傳作椒

微楚國諸侯莫不譽其祭典有之曰國君有牛享大夫有羊饋士有豚犬之奠庶人有魚炙之薦邊豆脯醢則上下共之不羞珍異不陳庶侈夫子不以其私欲干國之典遂不用

芟凌也。家臣曰老。宗老為宗人者。建。屈到之子。子木也。羞。進也。庶。衆也。侈。猶多也。

湫舉娶於申公子牟。子牟有臯而亡。康王以湫舉為遣之。湫舉奔鄭。將遂奔晉。蔡聲子將如晉。遇之於鄭郊。饗之以璧。侑曰：子尚良食。二先子其皆相子。尚能事晉君。以為諸侯主。辭曰：非所願也。若得

重向有致

語若無心然中有寸鐵殺人處如此開卷便有主張宜其大字

叔子

中唯亞事與內傳因餘稍錯家述事詳於內傳而辭加棘

歸骨於楚。死且不朽。聲子曰：子尚良食。吾歸子。湫舉降。三拜。納其乘馬。聲子受之。還見令尹子木。子木與之語。曰：子雖兄弟於晉。然蔡吾甥也。二國孰賢。對曰：晉卿不若楚。其大夫則賢。其大夫皆卿材也。若杞梓皮革馬。楚實遺之。雖楚有材。不能用也。子木曰：彼有公族甥舅。若之何其遺之材也。對曰：昔令尹子元之難。或譖王孫啓於成王。王弗是。王孫啓與於軍事。謂先軫曰：是師也。唯子玉欲之。與王

國語 楚

心違故唯東宮與西廣廣實來諸侯之從者畔者半矣若敖氏離矣楚師必敗何故去之先軫從之大敗楚師則王孫啓之為也昔莊王方弱申公子儀父為師王子變為傅使師崇子孔帥師以伐舒變及儀父施二帥而分其室師還至則以王如廬廬戢黎殺二子而復王或譖析公臣於王王弗是析公奔晉晉人用之實讒敗楚使不規東夏則析公之為也昔離子之父兄譖離子於恭王王弗是離子奔晉晉人用之及鄆之役晉將遁矣離子與於

軍事謂樂書曰楚師可料也。在中軍王族而已。若易中下楚必歆之。若合而函吾中吾上下必敗其左右則三萃以攻其王族必大敗之。樂書從之大敗楚師王親面傷則離子之為也。昔陳公子夏為御叔取於鄭穆公生子南子南之母亂陳而亡之使子南戮於諸侯莊王既以夏氏之室賜申公巫臣則又畀翁之子反卒於襄老襄老獲於邲二子爭之未有成恭王使巫臣聘於齊以夏姬行遂奔晉晉人用之實通吳晉使其子狐庸為行人於吳而

教之射御道之伐楚至於今為患則申公巫臣之為也今湫舉取於王子牟子牟得臯而亡執政弗是謂湫舉曰女實遣之彼懼而奔鄭彌完緬然引領南望曰庶幾赦吾臯又弗圖也乃遂奔晉晉人又用之矣彼若謀楚其亦必有豐敗也哉子木子木愀然曰夫子何如召之其來乎對曰亡人得生又何不來為子木曰不來則若之何對曰夫子不居矣春秋相事以還軫於諸侯若資東陽之盜使殺之其可乎不然不來矣子木曰不可我為楚卿而賂盜以

賂盜使親只
要見得萬不
可留在他國
耳

賊一夫於晉非義也子為我召之吾倍其室乃使湫鳴召其父而復之

湫舉伍舉也。璧侑以璧侑食。尚猶強也。良善也。相助也。二先子謂湫舉之父伍參。聲子之父子朝也。傳曰。楚伍參與蔡太師子朝友。其子伍舉與聲子相善也。四馬曰乘。受而不辭。定其心也。兄弟於晉言蔡晉同姓也。子元欲盡文夫人。遂處王宮。鬪班殺之。在魯莊三十年。啓子元子弗是弗理也。東宮西廣。楚軍營名。若敖氏子玉同族。離謂不欲戰也。儀父鬪克也。施施臯於二帥。二帥潘崇子孔也。室家資也。師還謂子孔潘崇之師也。二子懼。故以王如廬。廬楚邑也。傳曰。初鬪克囚于秦。秦有殺之敗。而使歸求成。成而不得志。公子變求令尹不得。故作亂。城鄭而使賊子孔弗克而還。戢黎廬大夫。二子變及儀父也。析公臣楚大夫。或譖之言與知二子之亂。規猶

有也。東夏蔡沈也。易中下中軍與下軍易卒伍也。中軍之卒良。故易之。示之弱以誘楚也。合合戰也。函入也。中中軍也。上下上下軍。左右左右軍也。萃集也。子夏御叔父。御叔娶鄭穆公之女夏姬。蚤死。陳靈公與孔寧儀行父淫夏姬。徵舒殺靈公。楚莊王以諸侯討之而滅陳。子南徵舒字。莊王欲納夏姬。巫臣諫不可。乃止。將以賜巫臣。則又與子反。子反欲取之。巫臣又難之。卒以與襄老。邲之戰。晉知莊子射襄老。獲之。以其尸歸。二子爭之。子反巫臣爭夏姬也。成定也。巫臣導夏姬。使歸。託以求襄老之尸。恭王遣焉。巫臣聘諸鄭。鄭伯許之。及使適齊。至鄭。遂以夏姬行。奔晉。緬猶邈也。領頸也。豐大也。不居言當奉命於它國。軫車後橫木也。言四時相聘問之事。回車於諸侯。資賂也。東陽楚北邑。倍其室。益其家也。

靈王爲章華之臺與伍舉升焉曰臺美夫對曰臣

聞國君服寵以爲美安民以爲樂聽德以爲聰致遠以爲明不聞其以土木之崇高形鏤爲美而以金石匏竹之昌大囂庶爲樂不聞其以觀大視侈淫色以爲明而以察清濁爲聰也先君莊王爲匏居之臺高不過望國氛大不過容宴豆木不妨守備用不煩官府民不廢時務官不易朝常問誰宴焉則宋公鄭伯問誰相禮則華元駟騂問誰贊事則陳侯蔡侯許男頓子其大夫侍之先君是以除亂克敵而無惡於諸侯今君爲此臺也國民罷焉

惡馬路切如字亦通

章法

財用盡焉年穀敗焉百官煩焉舉國留之數年乃成願得諸侯與始升焉諸侯皆距無有至者而後使大宰啓疆請於魯侯懼之以蜀之役而僅得以來使富都那豎贊焉而使長鬣之士相焉臣不知其美也夫美也者上下外內小大遠邇皆無害焉故曰美若於目觀則美縮於財用則匱是聚民利以自封而瘠民也胡美之爲夫君國者將民之與處民實瘠矣君安得肥且夫私欲弘侈則德義鮮少德義不行則邇者騷離而遠者距違天子之貴

也唯其以公侯爲官正而以伯子男爲師旅其有美名也唯其施令德於遠近而小大安之也若歛民利以成其私欲使民蒿焉忘其安樂而有遠心其爲惡也甚矣安用目觀故先王之爲臺榭也榭不過講軍實臺不過望氛祥故榭度於大卒之居臺度於臨觀之高其所不奪穡地其爲不匱財用其事不煩官業其日不廢時務瘠_{口交}之地於是乎爲之城守之木於是乎用之官寮之暇於是乎臨之四時之隙於是乎成之故周詩曰經始靈臺經

之營之。庶民攻之，不日成之。經始勿亟，庶民子來。王在靈囿，麀鹿攸伏。夫爲臺榭，將以教民利也。不知其以匱之也。若君謂此臺美而爲之正，楚其殆矣。

服寵謂以賢受寵服。清濁宮羽也。氛，禋氣也。宴豆，宴有折俎，籩豆之陳也。華元，宋卿。駢駟，鄭穆公之子子駟也。留，治也。魯成二年，楚子使公子嬰齊帥師侵魯。至蜀，魯人懼，使孟孫賂楚以受盟。富，富於容貌。都，閑也。那，美也。豎，未冠者。言取美好，不尚德也。長鬣，美鬣，髯也。縮，取也。蒿，耗也。大卒，主士卒也。度，謂足以臨見之。城守之，木，城守之餘也。爲之正，以爲得事之正。

靈王城陳，蔡不羹，使僕夫子皙問於范無宇曰：吾

不服諸夏而獨事晉，何也？唯晉近我遠也。今吾城三國，賦皆千乘，亦當晉矣。又加以楚，諸侯其來乎？對曰：其在志也。國爲大城，未有利者。昔鄭有京，櫟^歷衛有蒲戚，宋有蕭蒙，魯有弁費，齊有渠丘，晉有曲沃。秦有徵衙，叔段以京患，嚴公鄭幾^幾不封，櫟人實使鄭子^{向法}不得其位。衛蒲戚實出獻公，宋蕭蒙實殺昭公，魯弁費實弱襄公，齊渠丘實殺無知，晉曲沃實納齊師，秦徵衙實難桓景，皆志於諸侯。此其不利者也。且夫制城邑，若體性焉，有首領股肱，至

不出大字前
已有固本
收

於手^毋拇毛^脉大能掉^律小故變而不勤地有高下天
有晦明民有君臣國有都鄙古之制也先王懼其
不帥故制之以義旌之以服行之以禮辨之以名
書之以文道之以言既其失也易物之由夫邊境
者國之尾也譬之如牛馬處暑之既至^形畜^容蠶之既
多而不能掉其尾臣亦懼之不然是三城也豈不
使諸侯之心惕惕焉子皙復命王曰是知天咫安
知民則是言誕也右尹子革侍曰民天之生也知
天必知民矣是其言可以懼哉三年陳蔡及不羹

人納棄疾而殺靈王

魯昭八年楚滅陳使穿封戌為陳公十一年滅
蔡使公子棄疾為蔡公今潁川定陵有東不羹
城襄城有西不羹亭三國楚別都也京叔段之
邑魯隱元年段圖篡嚴公不克而奔封國也櫟
子元之邑魯桓十五年鄭厲公因櫟人殺子元
而遂居櫟鄭子嚴公子子儀也蒲甯殖邑戚孫
林父邑魯襄十四年甯殖孫林父逐衛獻公奔
齊蕭蒙宋公子鮑邑魯文十六年鮑殺昭公而
自立弁費季氏邑渠丘離廩邑魯嚴八年齊無
知弒襄公而自立九年離廩殺無知曲沃欒盈
邑魯襄二十三年欒盈奔齊齊嚴公納之盈以
曲沃之甲晝入為賊於絳徵衙秦桓公之子景
公之弟公子鍼之邑也公子鍼有寵於公如二
君於景難謂侵逼也拇大指也掉作也變動也
勤勞也帥循也易物易其尊卑服物之宜也咫
言少也言少知天道耳何知治民之法誕虛也

棄疾靈王之弟平王也。靈王無道，棄疾入國為亂。三軍畔王於乾谿，王自殺。在魯昭十三年。

左史倚相廷見申公子亶，子亶不出。左史謗之，舉伯以告。子亶怒而出，曰：「女無亦謂我老耄而舍我。」句法而又謗我。左史曰：「唯子老耄，故欲見以交傲子。若子方壯，能經營百事，倚相將奔走承序於是不給。」句法而何暇得見？昔衛武公年數九十有五矣，猶箴傲於國曰：「自卿以下至於師長士，苟在朝者，無謂我老耄而舍我，必恭恪於朝，朝夕以交戒我。聞一二之言，必誦志而納之，以訓道我。在輿有旅賁之規。」博昆

位宁有官師之典，倚几有誦訓之諫，居寢有警御之箴，臨事有瞽史之道，宴居有師工之誦，史不失書，矇不失誦，以訓御之。於是乎作懿戒以自儆也，及其沒也，謂之叡聖。武公子實不叡聖於倚相，何害？周書曰：「文王至于日中，旻不遑暇食，惠于小民，唯政之恭。」文王猶不敢惰，今子老楚國而欲自安也，以禦數者，王將何為？若常如此，楚其難哉？子亶懼曰：「老之過也，乃驟見左史。」

子亶楚申公史老也。舍棄也。承序承受事業次序也。師長大夫志記也。旅賁勇力之士。掌執矛

楯。夾車而趨。車止則持輪。中庭之左右謂之位。門屏之間謂之宁。替近也。替樂太師。掌詔吉凶。史太史也。師樂師。工替矇也。御進也。三君云。懿戒書也。昭謂懿讀曰抑。大雅抑之篇也。毛詩叙曰。抑衛武公刺厲王。亦以自儆也。日昃日昃。禦止也。數者謂箴戒誹謗也。王將何為。言人臣尚如此。王將復何為乎。

規模與尚幸
大明同

此語亦是諷
意王不悟耳

陳括尚書注

靈王虐。白公子張驟諫。王患之。謂史老曰。吾欲已子張之諫。若何。對曰。用之實難。已之易矣。若諫。君則曰。余左執鬼中。右執殤宮。凡百箴諫。吾盡聞之矣。寧聞它言。白公又諫。王如史老之言。對曰。昔殷武丁能聳其德。至於神明。以入於河。自河徂亳。於

是乎。三年默以思道。卿士患之。曰。王言以出令也。若不言。是無所稟令也。武丁於是作書曰。以余正四方。余恐德之不類。茲故不言。如是而又使以象。夢求四方之賢聖。得傳說白法以來。升以為公。而使朝夕規諫。曰。若金。用女作礪。若津水。用女作舟。若大旱。用女作霖。雨啓乃心。沃朕心。若藥不瞑眩。厥疾不瘳。若跣不視地。厥足用傷。若武丁之神明也。其聖之叡廣也。其知之不疚也。猶自謂未又。故三年默以思道。既得道。猶不敢專制。使以象旁求聖人。

瞑彌箭切又
莫定切

不然何急為
句勿連下讀

既得以為輔又恐其荒失遺忘故使朝夕規誨箴
諫曰必交修余無余棄也今君或者未及武丁而
惡規諫者不亦難乎齊桓晉文皆非嗣也還軫諸
侯不敢淫逸心類德音以得有國近臣諫遠臣謗
與人誦以自誥也是以其入也四封不備一同而
至於有畿田以屬諸侯至於今為令君桓文皆然
君不度憂於二令君而欲自逸也無乃不可乎周
詩有之曰弗躬弗親庶民弗信臣懼民之不信君
也故不敢不言不然何急其以言取臯也王病之

犛莫交切亦
作旄

曰子復語不穀雖不能用吾牛亦有情有性愬寘之於耳對曰賴
君之用也故言不然巴浦之犀犛徐履兕象其可盡乎
其又以規為璜也遂趨而退歸杜門不出七月乃
有乾谿之亂靈王死之

鬼中之中身也。殤宮。殤之居也。執謂把其錄籍
制服其身。知其居處。若今世云能使殤也。聳敬
也。入于河。遷于河內也。自河徂亳。從河內往亳
都也。默諒闇也。又治也。非嗣。非嫡嗣也。還軫。謂
出奔也。詰告也。備滿也。地方百里曰同。方千里
曰畿。病之。病不能然。故使復語也。愬。猶願也。犛
犛牛也。規。諫也。璜。所以塞耳。言四獸之牙
角。可以為璜。難盡也。而又以規諫為之乎。

司馬子期欲以其妾為內子訪之左史倚相曰吾

音注

弊或作弊

四喻俱妙

有妾而愿欲筭之其可乎對曰昔先大夫子囊違王之命諡子夕嗜芟子木有羊饋而無芟薦君子曰違而道穀陽豎愛子反之勞也而獻飲焉以弊於鄢芋尹申亥從靈王之欲以隕於乾谿君子曰從而逆君子之行欲其道也故進退周旋唯道之從夫子木能違若敖之欲以之道而去芟薦吾子經楚國而欲薦芟以干之其可乎子期乃止

違而道違命令道也穀陽豎子反之內豎也弊蹄也鄢陵之戰楚師敗恭王傷目明日將復戰王召子反穀陽豎獻飲於子反子反醉不能見王曰天敗我也乃宵遁子反自殺芋尹申亥申

攜音攜或作攜

音注

現胡歷切又胡格切

此但可有一

無字之子也乾谿之役申亥曰吾父再奸王命王不誅惠孰大焉乃求王遇諸棘闈以王歸王繼申亥以其二女殉而葬之從從欲也經經緯也干犯也以妾為妻猶以芟當祭也

昭王問於觀射父曰周書所謂重黎實使天地不通者何也若無然民將能登天乎對曰非此之謂也古者民神不雜民之精爽不攜貳者而又能齊肅衷正其知能上下比義其聖能光遠宣朗其明能光照之其聰能聽徹之如是則明神降之在男曰覲在女曰巫是使制神之處位次主而為之牲器時服而後使先聖之後之有光烈而能知山川

之號高祖之主宗廟之事昭穆之世齊敬之勤禮節之宜威儀之則容貌之崇忠信之質禋潔之服而敬恭明神者以爲之祝使名姓之後能知四時之生犧牲之物玉帛之類采服之儀彝器之量次主之度屏攝之位壇場場之所上下之神氏姓之出而心率舊典者爲之宗於是乎有天地神民類物之官謂之五官各司其序不相亂也民是以能有忠信神是以能有明德民神異業敬而不瀆故神降之嘉生民以物享禍災不至求用不匱及少皞

二

之衰也九黎亂德民神雜糅不可方物夫人作享家爲巫史無有要質民匱於祀而不知其福烝享無度民神同位民瀆齊盟無有嚴威神狎民則不蠲其爲嘉生不降無物以享禍災荐臻莫盡其氣顓頊受之乃命南正重司天以屬神命火正黎司地以屬民使復舊常無相侵瀆是謂絕地天通其後三苗復九黎之德堯復育重黎之後不忘舊者使復典之以至於夏商故重黎氏世敘天地而別其分主者也其在周程伯休父其後也當宣王時

失其官守而為司馬氏寵神其祖以取威於民曰重實上天黎實下地遭世之亂而莫之能禦也不然夫天地成而不變何比之有

重黎顓頊掌天地之臣。周書呂刑曰。乃命重黎。絕地天通。謂少皞之末。天神雜糅。不可方物。顓頊受之。乃命南正重司天以屬神。火正黎司地以屬民。謂絕地與天相通之道。雜會也。不雜司民司神之官各異也。懽離也。高祖廟之先也。潔祀曰禋。祝大祝也。掌祈福祥。四時之生。嘉穀韭卵之屬。次主之度。疏數之度也。屏屏風也。攝形如今要屏。皆所以分別尊卑。為祭祀之位。宗宗伯也。掌祭祀之禮。類物謂別善惡。利器用之官。明德謂降福祥。不為災孽也。嘉生善物也。九黎黎氏九人也。同位故雜糅。方猶別也。物名也。夫人人人也。享祀也。巫主接神。史次位序。言人人

自為之。質誠也。齊同也。狎習也。則法也。蠲潔也。其為所為也。荐重也。氣受命之氣。育長也。寵尊也。世之亂。謂幽平以下也。禦止也。何比之有。言不相比近。

子期祀平王祭以牛俎於王王問於觀射父曰祀牲何及對曰祀加於舉天子舉以大牢祀以會諸侯舉以特牛祀以大牢卿舉以少牢祀以特牛大夫舉以特牲祀以少牢士食魚炙祀以特牲庶人食菜祀以魚上下有序民則不慢王曰其小大何如對曰郊禘不過繭栗烝嘗不過把握王曰何其小也對曰夫神以精明臨民者也故求備物不求

一作滯久不震

豐大是以先王之祀也。以一純、二精、三牲、四時、五色、六律、七事、八種、九祭、十日、十二辰，以致之。百姓千品、萬官、億醜，兆民經入，該數以奉之。明德以昭之，龠聲以聽之，以告徧至，則無不受休。毛以示物，血以告殺，接誠拔取，以獻具為齊敬也。敬不可久，民力不堪，故齊肅以承之。王曰：芻豢幾何？對曰：遠不過三月，近不過浹日。王曰：祀不可以已乎？對曰：祀所以昭孝息民，撫國家，定百姓也。不可以已。夫民氣縱則底，底則滯，滯則不震，生乃不殖，是用不

從其生不殖，不可以封。是以古者先王日祭月享，時類歲祀，諸侯舍日，卿大夫舍月，士庶人舍時。天子徧祀羣神，品物諸侯祀天地三辰，及其土之山川，卿大夫祀其禮，士庶人不過其祖。日月會於龍，下土氣含收，天明昌作，百嘉備舍，羣神類行，國於是乎烝嘗，家於是乎嘗祀，百姓夫婦擇其令辰，奉其犧牲，敬其齋盛，潔其糞除，慎其采服，禋其酒醴，帥其子姓，從其時享，虔其宗祀，道其順辭，以昭祀其先祖，肅肅濟濟，如或臨之，於是乎合其州鄉朋

齋即爽切通作案

姁胡計切又
胡界切

友婚姻。比爾兄弟親戚。於是乎弭其百苛。姁其讒
慝。合其嘉好。結其親暱。億其上下。以申固其姓。上
所以教民虔也。下所以昭事上也。天子禘郊之事。必
自射其牲。王后必自舂其粢。諸侯宗廟之事。必
自射其牛。剗羊擊豕。夫人必自舂其盛。況其下之
人。其誰敢不戰戰兢兢以事百神。天子親舂禘郊
之盛。王后親繅其服。自公以下至於庶人。其誰敢
不齊肅恭敬。致力於神。民所以攝固者也。若之何
其舍之也。王曰。所謂一純二精七事者何也。對曰。

剗苦圭切又
工惠切

聖王正端冕。以其不違心。帥其羣臣。精物以臨。監
享祀。無有苛慝於神者。謂之一純。玉帛為二精。天
地民及四時之務。為七事。王曰。三事者何也。對曰。
天事武。地事文。民事忠信。王曰。所謂百姓千品萬
官億醜兆民。經入駭數者何也。對曰。民之徹官百。
王公之子弟之質。能言能聽。徹其官者。而物賜之。
姓以監其官。是為百姓。姓有徹品十於王。謂之千
品。五物之官。陪屬萬。為萬官。官有十醜。為億醜。天
子之田九畝。以食兆民。王取經入焉。以食萬官。

子期楚平王之子結祭以牛俎於王致牛俎於昭王也。舉人君朔望之盛饌。太牢牛羊豕也。會二大牢。舉四方之貢。特一也。少牢羊豕。特牲豕也。繭栗角如繭栗。把長不出把者。八種。八音。九祭九州助祭。十日甲至祭。十二辰子至亥。擇其吉日良辰。以致神者。至神至也。拔取拔毛取血。獻具備物也。浹日十日也。息民使民蕃息。底箸也。滯廢也。震懼也。言無祭祀則民無所畏忌。無所畏忌則志放縱。志放縱則遂廢滯。難復恐懼也。生人物也。殖長也。不殖神不降以福也。不從不從上令也。封國也。以事類曰類。品物謂若八蜡所祭。貓虎昆蟲之類也。三辰日月星也。祀其禮謂五祀及祖所自出也。豸龍尾也。周十二月。夏之十月。日月合辰於尾上。含收收縮萬物含藏也。昌盛也。作起也。謂天氣上也。嘉善也。時物畢成。舍入室也。頰並也。並行欲求食也。烝冬祭。嘗嘗百物也。禋潔也。弭止也。姦覆也。止覆皆解怨除恨之辭。億安也。封刺也。器實曰粢。在器

曰盛。上言粢。下言盛。互文也。乾稱剛健。故武地質柔順。故文。徹達也。徹官百。自以名達於上者。有百官也。物事也。以功事賜之姓。官有世功。則有官族。若司馬太史之屬是也。姓有徹品十於王。謂一官之職。其寮屬徹於王者。有十品。百官。故有千品也。五物之官。謂天地神民類物之官也。臣之臣為陪屬。復有十等。千品。故萬官也。醜類也。以十醜承萬為十萬。十萬曰億。九咳九州之內有咳數也。經常也。常入。征稅也。

鬪

且廷見令尹子常。子常與之語。問蓄貨聚馬。歸

以語其弟曰。楚其亡乎。不然。令尹其不免乎。吾見

令尹令尹問蓄聚積實。如餓豺狼焉。殆必亡者也。

夫古者聚貨不妨民衣食之利。聚馬不害民之財。

蓄法

國語 楚

用國馬足以行軍公馬足以稱賦不是過也公貨
 足以賓獻家貨足以共用不是過也夫貨馬郵則
 闕於民民多闕則有離畔之心將何以封矣昔鬪
 子文三舍令尹無一日之積恤民之故也成王聞
 子文之朝不及夕也於是乎每朝設脯一束糗一
 筐以羞子文至於今令尹秩之成王每出子文之
 祿必逃○奇○王止而後復人謂子文曰人生求富而子
 逃之何也對曰夫從政者以庇民也民多曠者而
 我取富焉是勤民以自封也死無日矣我逃死非

糗去久切又
 丘救切

惟事

司目章無解
 按吳語以司
 吾間鄭公補
 音曰司音伺
 古通用

逃富也故莊王之世滅若敖氏唯子文後在至
 於今處郎為楚良臣是不先恤民而後已之富乎
 今子常先大夫之後也而相楚君無令名於四方
 民之羸餒餒日日已甚四境盈壘道殣相望盜賊司
 目民無所放是之不恤而蓄聚不厭其速怨於民
 多矣積貨滋多蓄怨滋厚不亡何待夫民心之慍
 也若防大川焉潰而所犯必大矣子常其能賢於
 成靈乎成不禮於穆願食熊蹯扶衰不獲而死靈王不
 顧於民一國棄之如遺迹焉子常為政而無禮不

用國馬足以行軍公馬足以稱賦不是過也公貨
 足以賓獻家貨足以共用不是過也夫貨馬郵則
 闕於民民多闕則有離畔之心將何以封矣昔鬪
 子文三舍令尹無一日之積恤民之故也成王聞
 子文之朝不及夕也於是乎每朝設脯一束糗一
 筐以羞子文至於今令尹秩之成王每出子文之
 祿必逃奇王止而後復人謂子文曰人生求富而子
 逃之何也對曰夫從政者以庇民也民多曠者而
 我取富焉是勤民以自封也死無日矣我逃死非

糗去久切又
 丘救切

雀事

司目章無解
 按吳語以司
 吾間鄭公補
 音曰司音伺
 古通用

逃富也故莊王之世滅若敖氏唯子文之後在至
 於今處郎為楚良臣是不先恤民而後已之富乎
 今子常先大夫之後也而相楚君無令名於四方
 民之羸餒餒日日已甚四境盈壘道殣相望盜賊司
 目民無所放是之不恤而蓄聚不厭其速怨於民
 多矣積貨滋多蓄怨滋厚不亡何待夫民心之慍
 也若防大川焉潰而所犯必大矣子常其能賢於
 成靈乎成不禮於穆願食熊蹯扶衰不獲而死靈王不
 顧於民一國棄之如遺迹焉子常為政而無禮不

顧甚於成靈其獨何力以待之期年乃有柏舉之戰子常奔鄭昭王奔隨

國馬民馬十六井爲丘有戎馬一疋牛三頭足以行軍也。公馬公之戎馬稱舉也。賦兵賦。賓饗贈也。獻貢也。郵過也。封厚也。糗寒粥羞進也。秩常也。魯宣四年子文之弟子鬬椒爲亂莊王滅若敖氏之族子文之孫歲尹克黃使於齊還而自拘於司敗王思子文之治楚也。曰子文無後何以勸善使復其所其子孫當昭王時爲鄖公盈滿也。道家曰殪成楚成王穆王之父穆穆王商臣也。成王欲黜商臣而立其弟職商臣圍成王。王請食熊蹯而死不聽遂自殺如遺迹如行人之遺棄其迹也。待猶禦也。初蔡昭侯朝於楚子常欲其佩唐成公亦朝焉子常欲其驢驥馬二君不予而留之三年予之乃得歸歸與吳伐楚大敗之柏舉在魯定四年

隊或作墜

幸法

吳人入楚昭王出奔濟於成曰見藍尹亶載其祭王曰載子對曰自先王莫隊其國當君之世而亡之君之過也遂去王王歸又求見王王欲執之子西曰請聽其辭夫其有故幸法王使謂之曰成曰之役而棄不穀今而敢來何也對曰昔瓦唯長舊怨以敗於柏舉故君及此今又效之無乃不可乎臣避於成曰以傲君也庶俊而更乎今之敢見觀君之德也曰庶懼而鑒前惡乎君若不鑒而長之君實有國而不愛臣何有於死死在司敗矣唯君圖之

子西曰使復其位以無忘前敗王乃見之

吳人闔閭也。妻子曰孥。隊失也。瓦子常名。長猶積也。何有於死。何惜於死也。楚謂司寇為司敗。

當於專字向

吳人之入楚楚昭王奔鄭鄭公之弟懷將殺王鄭公辛止之懷曰平王殺吾父在國則君在外則讎也見讎弗殺非人也鄭公曰夫事君者不為外內行不為豐約舉苟君之尊卑一也且夫自敵以下則有讎非是不讎下虐上為殺上虐下為討而況君乎君而討臣何讎之為若皆讎君則何上下之有乎吾先人以善事君成名於諸侯自鬪伯比以

章法

來未之失也今爾以是殃之不可懷弗聽曰吾思吾父不能顧矣鄭公以王奔隨王歸而賞及鄭懷子西諫曰君有二臣或可賞也或可戮也君王均之羣臣懼矣王曰夫子期之二子邪吾知之矣或禮於君或禮於父均之不亦可乎

鄭公蔓成然之子鬪辛也成然立平王貪求無厭平王殺之不為外內行不為外內易行也豐盛約衰舉動也敵敵體也殃病害也子期成然字

子西歎於朝藍尹亶曰吾聞君子唯獨居思念前世之崇替與哀殯喪於是其有歎其餘則不君子臨

崇替當是盛衰之意

政思義、飲食思禮、同宴思樂、在樂思善、無有歎焉。
今吾子臨政而歎、何也？子西曰：闔閭能敗吾師、闔
閭卽世、吾聞其嗣又甚焉。吾是以歎。對曰：子患政
德之不修、無患吳矣。夫闔閭口不貪嘉味、耳不樂
逸聲、目不淫於色、身不懷於安、朝夕勤志、恤民之
羸、聞一善若驚、得一士若賞、有過必悛、有不善必
懼、是故得民以濟其志。今吾聞夫差初佳好罷民力以
成私、好縱過而翳諫、一夕之宿、臺榭陂池必成、六
畜玩好必從、夫先自敗也已。焉能敗人？子修德以

待吳、吳將斃矣。

崇終也。詩云：曾不崇朝。替廢也。若賞若受賞也。翳郭也。

王孫圉聘於晉、定公饗之。趙簡子鳴玉以相、問於

王孫圉曰：楚之白珩猶在乎？對曰：然。簡子曰：其爲

寶也幾何矣？曰：未嘗爲寶。楚之所寶者曰觀射父

能。作訓辭以行事於諸侯、使無以寡君爲口實、又

有左史倚相、能道訓典、以敘百物、以朝夕獻善敗

於寡君、使寡君無忘先王之業、又能上下說乎鬼

神、順道其欲、惡使神無有怨痛於楚國、又有藪曰

雲連徒洲、金木竹箭之所生也。龜珠齒角、皮革羽毛、所以備賦用、以戒不虞者也。所以共幣帛、以賓享於諸侯者也。若諸侯之好幣具、而導之以訓辭、有不虞之備、而皇神相之寡君、其可以免臯於諸侯、而國民保焉。此楚國之寶也。若夫白珩、先王之玩也。何寶焉。圉聞國之寶、六而已。聖能制議百物、以輔相國家、則寶之。玉足以庇蔭嘉穀、使無水旱之災、則寶之。龜足以憲臧、不則寶之。珠足以禦火災、則寶之。金足以禦兵亂、則寶之。山林藪澤、足以

備財用、則寶之。若夫譁囂之美、楚雖蠻夷、不能寶也。

鳴玉以相。鳴其佩。玉以相禮。珩佩上橫。皇大也。玉祭祀之玉。憲法也。取善惡之法也。

惠王以梁與魯陽文子。文子辭曰：梁險而在北境，懼子孫之有貳者也。夫事君無憾，憾則懼偏偏，則懼貳。夫盈而不偏，憾而不貳者，臣能自壽也。不知其它，縱臣而得以其首領，以沒懼子孫之險，而乏臣之祀也。王曰：子之仁，不忘子孫，施及楚國，敢不從子，與之魯陽。

文子司馬子期之子魯陽公也。憾恨也。偏。偏上也。偏則懼誅。故貳也。盈滿也。壽保也。

子西使人召王孫勝沈諸梁聞之見子西曰聞子
召王孫勝信乎曰然子高曰將焉用之曰吾聞之
勝直而剛欲寘之境子高曰不可其為人也展而
不信愛而不仁詐而不知毅而不勇直而不衷周
而不淑復言而不謀身展也愛而不謀長不仁也
以謀蓋人詐也彊忍犯義毅也直而不顧不衷也
周言棄德不淑也是六德者皆有其華而不實者
將焉用之彼其父為戮於楚其心又猶而不潔若

其猶也、不忘舊怨、而不以潔峻德、思報怨而已、則
其愛也、足以得人、其展也、足以復之、其詐也、足以
謀之、其直也、足以帥之、其周也、足以蓋之、其不潔
也、足以行之、而加之以不仁、奉之以不義、蔑不克
矣、夫造勝之怨者、皆不在矣、若來而無寵、速其怒
也、若其寵之、毅貪而無厭、既而得人、而矐之以大
利、不仁以長之、思舊怨以修其心、苟國有釁、必不
居矣、非子職之、其誰乎、彼將思舊怨而欲大寵、動
而得人、怨而有術、若果用之、害可待也、余愛子與

司馬故不敢不言子西曰德其忘怨乎余善之夫
乃其寧子高曰不然吾聞之曰唯仁者可好也可
惡也可高也可下也好之不偏惡之不怨高之不
驕下之不懼不仁者則不然人好之則偏惡之則
怨高之則驕下之則懼驕有欲焉懼有惡焉欲惡
怨偏所以生詐謀也子將若何若召而下之將戚
而懼爲之上者將怒而怨詐謀之心無所靖矣有
一不義猶敗國家今壹五六而必欲用之不亦難
乎吾聞國家將敗必用姦人而嗜其疾味其子之

轉折

謂乎夫誰無疾色者能者蚤除之舊怨滅宗國之疾
青也爲之關籬蕃籬而遠備閑之猶恐其至也是
之爲日惕若召而近之死無日矣人有言曰狼子
野心怨賊之人其又可善乎若子不我信盍求若
敖氏與子于子替之族而近之安用勝也其能幾
何昔齊騶馬修子繻以胡公入於貝水邴觸歎閭職戕懿
公於圍竹晉長魚矯殺三郤於榭魯圍人洛犖殺子
般於次夫是誰之故也非唯舊怨乎是皆子所聞
也人之求多聞善敗以鑑戒也今子聞而棄之猶


尚是相尚之
尚勝白公名
猶云說得勝
太能事也笑
而曰明是輕
勝意

蒙耳也。吾語子何益。吾知逃而已。子西笑曰：子之尚勝也，不從，遂使爲白公子高，以疾閒居於蔡。及白公之亂，子西子期死，葉公聞之，曰：吾怨其棄吾言，而德其治楚國。楚國之能平均，以復先王之業者，夫子也。以小怨寘大德，吾不義也。將入殺之，帥方城之外，以入殺白公，而定王室，葬二子之族。

王孫勝，楚平王太子建之子。初費無極爲太子少師，無寵。太子娶於秦而美，勸王納之，遂譖太子曰：建將叛。太子奔鄭而與晉謀，鄭人殺之。勝奔吳，沈諸梁葉公子高也。寘，置也。傳曰：召之使處吳境，爲白公，是也。展誠也。復言可復，不欺人也。周言棄德，取周其言而不以德也。得者

直已之志，不從人也。造勝之怨，謂費無極之徒讚太子者，職主也。言子西將主此禍，父死而怨故曰有術。司馬子西之弟子期也。德其忘怨，言綏之以德，必忘怨也。疾味味爲已生疾害。喻不好善也。昔猶災也。若敖氏，莊王所滅。子于皙，平王所殺。其能幾何。言危不久也。騶馬，繻齊大夫。齊胡公虐馬繻，馬繻殺胡公。內之貝水，齊懿公爲公子時，與邠獸之父爭田，弗勝，及卽位，乃掘而刑之，而使獸僕，納閭職之妻，而使職驂乘。魯文十八年，懿公游于申池，二人殺公而內之竹中。長魚矯，見晉語。子般，魯莊公太子，雩講於梁氏。女公子觀之，圍人犖自牆外與之戲。子般鞭之。莊公薨，子般卽位。次于黨氏。公子慶父使犖賊子般。在魯莊三十二年。子之尚勝，言子論議好尚勝人也。魯哀十六年，白公請伐鄭，以報父讎。子西旣許之，未起師。晉伐鄭，楚又救之，與之盟。白公怒，遂作亂。殺二子於朝。

皇明萬曆己未仲秋烏程閔齊伋遇五父裁注



國語第八

吳

吳王夫差初佳起師伐越越王句踐居侯起師逸之江大夫

種童勇乃獻謀曰夫吳之與越唯天所授王其無庸戰

夫申胥華登簡服吳國之士於甲兵而未嘗有所

挫也夫一人善射百夫決拾勝未可成夫謀必素

見成事焉而後履之不可以授命王不如設戎約

辭行成以喜其民以廣侈吳王之心吾以下之於

天天若棄吳必許吾成而不吾足也將必寬然有

篇注

音節

起語更端用
四夫不唯節
奏亦自具法
百鍊精金

唯天下之至
柔馳騁天下
之至堅
以謂不以得
哉為之

務命

心孤之孤猶
孤離腐鼠之
孤

伯諸侯之心焉。既罷敝其民而天奪之食。安受其
燼。乃無有命矣。越王許諾。乃命諸稽郢行成於吳。
曰：寡君句踐使下臣郢。不敢顯然布幣行禮。敢私
告於下執事。曰：昔者越國見禍。得臯於天王。天王
親趨玉趾。以心孤句踐。而又宥赦之。君王之於越
也。繫起死人而肉白骨也。孤不敢忘天災。其敢忘
君王之大賜乎。今句踐申禍無良。草鄙之人。敢忘
天王之大德。而思邊垂之小怨。以重得臯於下執
事。句踐用帥二三之老親。委重臯頓顙於邊。今君

筆市葢切又
之葢切

介音恠一作
介按字書無
介字疑即介
誤

憎苦骨切內
傳作胡忽切

王不察。盛怒屬兵。將殘伐越國。越國固貢獻之邑
也。君王不以鞭箠使之。而辱軍士。使寇令焉。句踐
請盟。一介嫡女。執箕箒。以胙姓於王官。一介嫡男
奉槃匱。以隨諸御。春秋貢獻。不解於王府。天王豈
辱裁之。亦征諸侯之禮也。夫諺曰：狐狸埋之。而狐搯
之。是以無成功。今天王既封殖越國。以明聞於天
下。而又刈亡之。是天王之無成勞也。雖四方之諸
侯。則何實以事吳。敢使下臣盡辭。唯天王秉利度

義焉。

此為連下為
一章

魯定十四年。吳伐越。越敗之於構李。闔廬傷而死。後三年。夫差伐越。報構李也。越逆諸江。至於五湖。吳人大敗之於夫椒。遂入越。越子以甲楯五千。保於會稽。申胥伍子胥也。名負。負奔吳。吳子與之申地。故曰申胥。華登。宋華費遂之子。華氏作亂於宋而敗。登奔吳為大夫。簡習也。夾鈞。弦也。拾捍也。言申胥華登善用兵。衆必化之。猶一人善射。而百夫競著。決拾而傲之也。授命。猶鬪命也。設戎設兵自守。約辭卑約其辭。行成求平也。不吾足。言越不足畏也。燼餘也。孤棄也。緊是也。申重也。思邊垂之小怨。言吳侵越之邊垂。心懷怨恨也。重得罪。謂報見侵。委猶歸也。邊垂境。寇令若禦寇之號令。一介一人。駭備也。曲禮曰。納女於天子曰備百姓。捐發也。明聞顯聞也。芟草曰刈。

勞功也。

吳王夫差乃告諸大夫曰。孤將有大志於齊。吾將

善論

章法

許越成而無拂吾慮。若越既改。吾又何求。若其不改。反行。吾振旅焉。申胥諫曰。不可許也。夫越非實忠。心好吳也。又非懾_{之涉}畏吾甲兵之彊也。大夫種勇而善謀。將還玩吳國於股掌之上。以得其志。夫固知君王之蓋威以好勝也。故婉約其辭。以從逸王志。使淫樂於諸夏之國。以自傷也。使吾甲兵鈍弊。民人離落。而日以憔悴。然後安受吾燼。夫越王好信。以愛民。四方歸之。年穀時孰。日長炎炎。及吾猶可以戰也。為虺弗摧。為蛇將若何。吳王曰。大夫奚

隆於越。越曾足以爲大虞乎。若無越，則吾何以春。秋。曜吾軍士，乃許之。成將盟。越王又使諸稽郢辭曰：以盟爲有益乎？前盟口血未乾，足以結信矣。以盟爲無益乎？君王舍甲兵之威，以臨使之，而胡重於鬼神而自輕也。吳王乃許之。荒，成不盟。

拂絕也。還轉也。玩弄也。虺，小蛇。荒，空也。

吳王夫差既許越成，乃大戒師徒，將以伐齊。申胥進諫曰：昔天以越賜吳，而王弗受。夫天命有反，今越王句踐恐懼而改其謀，舍其愆，令輕其征賦，施

善論

司音伺古字通

民所善，去民所惡，身自約也。裕其衆庶，其民殷衆，以多甲兵，譬越之在吳也。猶人之有腹心之疾也。夫越王之不忘敗吳於其心也，戚然服士以司吾閒。今王非越是圖，而齊魯以爲憂。夫齊魯譬諸疾，疥癬也，豈能涉江淮而與我爭此地哉？將必越實有吳土，王盍亦鑑於人，無鑑於水。昔楚靈王不君，其臣箴諫以不入，乃築臺於章華之上，闕爲石郭，陂漢以象帝舜，罷弊楚國，以閒陳蔡，不修方城之內，踰諸夏而圖東國。三歲於沮汾，以服吳越，其民

叔事

云辭

沮子餘切內傳作睢

璞音撲又音朴

高之下、向法奇甚

不忍饑勞之殃。三軍畔王於乾谿。王親獨行。屏營傍徨於山林之中。三日乃見其消人疇。王呼之曰。余不食三日矣。疇趨而進。王枕其股以寢於地。王寐疇枕王以璞而去之。王覺而無見也。乃匍匐將入棘園。棘園不納。乃入芋尹申亥氏焉。王縊申亥。負王以歸。而土埋之。其室此志也。豈遽忘於諸侯之耳乎。今王既變鮌禹之功。而高高下下。以罷民於姑蘇。天奪吾食。都鄙荐饑。今王將狼天而伐齊。夫吳民離矣。體有所傾。譬如羣獸然。一个負矢將

百羣皆奔。王其無方收也。越人必來襲我。王雖悔之。其猶有及乎。王弗聽。十二年遂伐齊。齊人與戰於艾陵。齊師敗績。吳人有功。

闕穿也。陝壅也。舜葬九嶷。其山體水旋其丘下。故壅漢水。使旋石郭以象之。閒侯其隙而取之也。沮汾楚東鄙。消人。今中消也。璞塊也。棘楚邑。闔門也。志記也。高高起臺榭。下下深汚池。

吳王夫差既勝齊人於艾陵。乃使行人奚斯釋言於齊。曰。寡人帥不腆吳國之役。遵汶之上。不敢左右。唯好之故。今大夫國子與其衆庶。以犯獵吳國之師。徒天若不知有臯。則何以使下國勝。

獵以獵獸之類。解云。索也。恐非。

柳宗元曰伍子胥非吳之
親也其始
交闔閭以道
故由其謀今
於嗣君已不
合言見進則
讓者勝國無
可救者於是
焉去之可也
出則以擊累
於人而又入
以即死是固
非吾之所知
也然則負者
身報人也歎

戰於艾陵。吳獲齊國書。釋解也。以言自解。歸非於齊也。不敢左右。暴掠齊民。唯有恩好之故耳。

吳王還自伐齊乃訊申胥曰昔吾先王體德聖明
達於上帝譬如農夫作耦以刈殺四方之蓬蒿以
立名於荆此則大夫之力也今大夫老而又不
安恬逸而處以念惡出則臯吾衆撓亂百度以妖
孽吳國今天降衷於吳齊師受服孤豈敢自多先
王之鐘鼓寔式靈之敢告於大夫申胥釋劍而對
曰昔吾先王世有輔弼之臣以能遂疑計惡以不
陷於大難今王播棄黎老而孩童焉比謀曰余令

善論

而不違夫不違乃違也夫不違亡之階也夫天之
所棄必驟近其小喜而遠其大憂王若不得志於
齊而以覺寤王心吳國猶世吾先君之得之也必
有以取之其亡之也亦有以棄之用能援特盈以
沒而驟救傾以時今王無以取之而天祿亟至是
吳命之短也負不忍稱疾辟易以見王之親為越
之禽也負請先死將死曰而縣吾目於東門以見
越之入吳國之亡也遂自殺王慍曰孤不使大夫
得有見也乃使取申胥之尸盛以鴟夷而投之於

國語 吳 六

江

二邦為耦。言子胥佐闔廬。其猶耕者之有耦。以成其事也。立名於荆。謂敗楚於柏舉。式用也。靈神也。遂決也。計慮也。黎凍黎壽。徵也。猶世猶繼世也。盈滿也。沒終也。以時不失時也。辟易狂疾。鴟夷。革囊。

吳王夫差既殺申胥不稔於歲乃起師北征闕為深溝於商魯之間比屬之沂西屬之濟以會晉公午於黃池於是越王句踐乃命范蠡舌庸率師沿海泝淮以絕吳路敗王子友於姑熊夷越王句踐乃率中軍泝江以襲吳入其郢焚其姑蘇徙其大

舌如字內傳
作后非

善論章法

俞羊茹切或
為愈

舟吳晉爭長未成邊遽乃至以越亂告吳王懼乃合大夫而謀曰越為不道背其齊盟今吾道路悠遠無會而歸與會而先晉孰利王孫雄曰夫危事不齒雄敢先對謀計二者莫利無會而歸越聞章矣民懼而走遠無正就齊宋徐夷曰吳既敗矣將夾溝而廢我我無生命矣會而先晉晉既執諸侯之柄以臨我將成其志以見天子吾須之不能去之不忍若越聞俞章吾民恐畔必會而先之王乃步就王孫雄曰先之圖之將若何王孫雄曰王其無疑

王孫雄能決策片時以先晉而不能謀之數年以退越其智不足謂也

封者封疆之封作衛字意詳似之而非

令或當從玄聲戒令即下

吾道路悠遠必無有二命焉可以濟事王孫雄進顧揖諸大夫曰危事不可以為安死事不可以為生則無為貴知矣民之惡死而欲貴富以長沒也與我同雖然彼近其國有遷我絕慮無遷彼豈能與我行此危事也哉事君勇謀於此用之今夕必挑戰以廣民心請王厲士以奮其朋勢勸之以高位重畜備刑戮以辱其不厲者令各輕其死彼將不戰而先我我既執諸侯之柄以歲之不獲也無有誅焉而先罷之諸侯必說既而皆入其地王安

挺志一日惕一日留以安步王志必設以此民也

封於江淮之間乃能至於吳吳王許諾

稔熟也。闕穿也。商宋也。沿順也。逆流而上曰沂。循海而逆入於淮以絕吳王還歸之路。江吳江也。郭郭也。長先也。成定也。遽傳軍也。先晉令晉先歆齒年也。不齒不以年次對。正適也。旁擊曰廢。以見天子以侯伯之禮見天子也。俞益也。長沒老終也。朋羣也。獲收也。誅責也。不責諸侯之貢賦。罷遣諸侯。令先歸也。入其地入其國境。挺寬也。惕疾也。留徐也。步行也。設以此民封於江淮間以恐之。必速至也。

吳王昏乃戒令秣馬食士夜中乃令服兵擐甲係馬舌出火竈陳士卒百人以為徹行百行行頭皆

國語吳

抱音孚或音浮

陣圖

官師擽鐸拱稽建肥胡奉文犀之渠十行一嬖大
夫建旌提鼓挾經秉枹十旌一將軍載常建鼓挾
經秉枹為萬人以為方陳皆白常白旂素甲白羽
之則登形增望之如荼王親秉鉞載白旗以中陳而立左
軍亦如之皆赤常赤旗余丹甲朱羽之增望之如火
右軍亦如之皆玄常玄旗黑甲烏羽之增望之如
墨為帶甲三萬以勢攻雞鳴乃定既陳去晉軍一
里昧明王乃秉枹親就鳴鐘鼓丁寧述倫鐸于振鐸勇
怯盡應三軍皆譁卸以振旅其聲動天地晉師大

唐順之曰讀
內傳須看他
下字構辭如
商彝周鼎讀
外傳只看他
布格叙事如
老將用兵不
失尺寸如此
篇叙劫盟處
儘整齊儘周
密儘善俞縱

存命

此進退似只
謂當時會事

駭不出周軍飭壘乃令董褐請事曰兩君偃兵接
好日中為期今大國越錄而造造於敝邑之軍壘敢
請亂故吳王親對之曰天子有命周室卑約貢獻
莫入上帝鬼神而不可以告無姬姓之振也徒遠
來告孤日夜相繼匍匐就君君今非王室不安平
是憂億負晉眾庶不式諸戎翟楚秦將不長弟以
力征一二兄弟之國孤欲守吾先君之班爵進則
不敢退則不可今會日薄矣恐事之不集以為諸
侯笑孤之事君在今日不得事君亦在今日為使

國語 吳

擣李之戰越人使罪人三行自剄以誤吳

辭命

者之無遠也。孤用親聽命於藩籬之外。董褐將還。王稱左畸居曰。攝少司馬茲。與王士五人坐於王前。乃皆進自剄於於客前以酬客。董褐既致命。乃告諸趙鞅曰。臣觀吳王之色。類有大憂。小則嬖妾嫡子死。不則國有大難。大則越入吳。將毒不可與戰。主其許之先。無以待危。然而不可徒許也。趙鞅許諾。晉乃令董褐復命曰。寡君未敢觀兵身見。使褐復命曰。曩君之言。周室既卑。諸侯失禮於天子。請貞於陽卜。收文武之諸侯。孤以下密邇於天子。無所

逃。臯訊讓日至曰。昔吳伯父不失春秋。必率諸侯以顧在。余一人。今伯父有蠻荆之虞。禮世不續。用命孤禮。佐周公以見我。一二兄弟之國。以休君憂。今君掩王東海。以淫名聞於天子。君有短垣而自踰之。况蠻荆則何有於周室。夫命圭有命。固曰。吳伯不曰。吳王諸侯是以敢辭。夫諸侯無二君。而周無二王。君若無卑天子以干其不祥。而曰。吳公孤敢不順從君命。長弟許諾。吳王許諾。乃退就幕而會。吳公先歆。晉侯亞之。吳王既會。越聞俞章恐齊。

宋之爲已害也。乃命王孫雄先與勇獲帥徒師以爲過賓於宋。以焚其北郭焉而過之。

秣粟服執環貫也。係馬之舌。恐有聲。出火於竈。以自照。徹通也。以百人通爲一行。官帥上士。擗抱也。抱鐸者。亦恐有聲也。稽計兵名籍也。周禮聽師田以簡稽。肥胡幡也。文犀之渠。謂楯也。文犀犀之有文理者。析羽爲旌。在掖曰挾經。兵書也。日月爲常。建鼓之鼓。晉鼓也。周禮將軍執晉鼓。建謂爲之楹而樹之。交龍爲旂。矰矢名。茶茅秀也。熊虎爲旗。鳥隼爲旟。帶甲衿鎧。丁寧謂鉦也。錚于與鼓相應。軍行鳴之。譁鉦。謹呼也。周禮也。飭治也。錄次第也。亂故先期亂次之故。徒步也。遽傳車也。億安也。負恃也。安恃其衆。而不用以征伐。戎翟秦楚之卑周者。弟言幼也。不長弟言晉不帥長幼之節。而征伐同姓。兄弟之國。謂魯衛之屬。進則不敢。不敢過先君也。退則不可。

亦不可不及也。薄迫也。集成也。藩離碧落也。左畸。軍左部。稱呼也。攝執也。少司馬茲。與王士五人。皆臯人死士。到到也。酬報也。將報客。使死士自到。以示其威行。軍士用命也。主謂趙鞅。徒空也。不徒許。宜有辭義。貞正也。龜曰卜。以火發兆。故曰陽。言吳欲正陽卜。收復文王武王之諸侯。以奉天子。孤以下。晉辭也。昔吳伯父。至禮世不續。晉述天子告讓之言。同姓元侯曰伯父。昔吳伯父。吳先君也。今伯父。謂夫差。言夫差有蠻荆之備。廢朝聘之禮。不得繼世。嗣前人之職。故命晉以禮佐助周公。與兄弟之國相見。令朝聘天子。休君憂息周之憂。淫猶僭也。名號也。垣喻禮防。雖短。不可踰也。王室雖卑。不可僭也。吳姬姓而自僭號。況於蠻荆。有何義於周室。而不爲乎。命圭。受賜圭之策命。敢辭。辭不事吳也。長弟。猶云先後也。幕帳也。徒師步卒也。託爲過賓。而焚其郭。去其守備。使不敢出。

吳王夫差既退於黃池，乃使王孫苟告勞於周。曰：昔者楚人爲不道，不承共王事，以遠我一二兄弟之國。吾先君闔廬，不世貫不忍，被甲帶劍，挺鉞鋪指鐸，以與楚昭王毒逐於中原。柏舉，天舍其衷，楚師敗績。王去其國，遂至於郢。王總其百執事，以奉其社稷之祭。其父子昆弟不相能。夫槩王作亂，是以復歸於吳。今齊侯任不鑒於楚，又不承共王命，以遠我一二兄弟之國。夫差不貫不忍，被甲帶劍，挺鉞指鐸，遵汶伐博，登笠相望於艾陵。天舍其衷，齊師

還。夫差豈敢自多，文武實舍其衷，歸不稔於歲。余沿江沂淮，闕其溝深水，出於商魯之間，以徹於兄弟之國。夫差克有成事，敢使苟告於下執事。周王答曰：苟伯父命女來，明紹享余一人。若余嘉之，昔周室逢天之降禍，遭民之不祥，余心豈忘憂卹。不唯下土之不康靖，今伯父曰：勦力同德，伯父若能然，余一人兼受而介福。伯父多歷年以沒元身，伯父秉德已侈大哉。

勞功也。貫，赦也。挺，拔也。指，振也。王總之，王賈侍中云。往也。昭謂王闔廬也。賈君以爲告天子。不

篇

宜稱王。故云往。然下言夫槩王不避天子。故知稱王為闔廬也。夫槩闔廬之弟。傳曰。夫槩王先歸自立。故不能定楚而歸。蓋夫須也。蓋笠。備雨器。紹。繼也。享。獻也。繼先王之禮。獻我一人。我心誠嘉之也。遭民之不祥。謂民流厲王於彘。及子朝篡立。成周之民助子朝者。不唯下土之不康靖。言不但憂四方。乃憂王室也。勦力。并力也。介。大也。元。善也。侈。猶廣也。

鹿通作麓
羸落戈切亦
作螺

吳王夫差還自黃池。息民不戒。越大夫種乃倡謀曰。吾謂吳王將遂涉吾地。今罷師而不戒。以忘我。我不可不怠也。日臣嘗卜於天。今吳民既罷。而大荒荐饑。市無赤米。而困鹿空虛。其民必移就蒲羸。於東海之濱。天占既兆。人事又見。我蔑卜筮矣。王

中國或是國
中

若今起師。以會奪之利。無使失。悛。夫吳之邊鄙遠者。罷而未至。吳王將恥不戰。必不須至之會也。而以中國之師。與我戰。若事幸而從我。我遂踐其地。其至者。亦將不能之會也。已。吾用禦兒臨之。吳王若慍而又戰。幸遂可出。若不戰而結成。王安厚取名而去之。越王曰。善哉。乃大戒師。將伐吳。楚申包胥使於越。越王句踐問焉。曰。吳國為不道。求殘我社稷宗廟。以為平原。弗使血食。吾欲與之。徼天之衷。唯是車馬兵甲卒伍。既具。無以行之。請問戰奚。

自營制問魯
注

辭繁而未工

以而可。包胥辭曰：不知王固問焉，乃對曰：夫吳良國也，能博取於諸侯，敢問君王之所以與之戰者。王曰：在孤之側者，觴酒豆肉，簞食未嘗敢不分也。飲食不致味，聽樂不盡聲，求以報吳，願以此戰。包胥曰：善則善矣，未可以戰也。王曰：越國之中，疾者吾問之，死者吾葬之，老其老，慈其幼，長其孤，問其病，求以報吳，願以此戰。包胥曰：善則善矣，未可以戰也。王曰：越國之中，吾寬民以子之，忠惠以善之，吾修令，寬刑，施民所欲，去民所惡，稱其善，掩其惡。

求以報吳，願以此戰。包胥曰：善則善矣，未可以戰也。王曰：越國之中，富者吾安之，貧者吾予之，救其不足，裁其有餘，使貧富皆利之，求以報吳，願以此戰。包胥曰：善則善矣，未可以戰也。王曰：越國南則楚，西則晉，北則齊，春秋皮幣玉帛，子女以賓服焉，未嘗敢絕，求以報吳，願以此戰。包胥曰：善哉，蔑以加焉。然猶未可以戰也。夫戰知為始，仁次之，勇次之，不知則不知，民之極，無以銓度。天下之衆寡，不仁，則不能與三軍共饑勞之殃，不勇，則不能斷疑。

唐順之曰：包胥之意，重在勇，蓋勸越之決於斃吳也。若智仁則上數者已兼之矣。

以發大計。越王曰：諾。越王句踐乃召五大夫曰：吳為不道，求殘吾社稷宗廟，以為平原，不使血食。吾欲與之，徼天之衷。唯是車馬兵甲卒伍既具，無以行之。吾問於王孫包胥，既命孤矣。敢訪諸大夫，問戰奚以而可。句踐願諸大夫言之，皆以情告，無阿孤。孤將以舉大事。大夫舌庸乃進對曰：審賞則可以戰乎。王曰：聖。大夫苦成進對曰：審罰則可以戰乎。王曰：猛。大夫種進對曰：審物則可以戰乎。王曰：辨。大夫蠡進對曰：審備則可以戰乎。王曰：巧。大夫

臯如進對曰：審聲則可以戰乎。王曰：可矣。王乃命有司大令於國曰：苟任戎者，皆造於國門之外。王乃令於國曰：國人欲告者，來告。告孤不審，將為戮。不利。過及五日，必審之。過五日，道將不行。王乃入命夫人王背屏而立。夫人向屏。王曰：自今日以後，內政無出外政，無入內有辱是子也。外有辱是我也。吾見子於此，止矣。王遂出。夫人送王，不出屏。乃闔左闔，填之以土，去筓側席而坐。不埽。王背檐而立。大夫向檐。王命大夫曰：食土不均，地之不修，內

有辱於國是子也軍士不死外有辱是我也自今日以後內政無出外政無入吾見子於此止矣王遂出大夫送王不出檐乃闔左闔填之以土側席而坐不埽王乃之壇列鼓而行之至於軍斬有臯者以徇曰莫如此以環他句填通相問也明日徙舍斬有臯者以徇曰莫如此不從其伍之令明日徙舍至於禦兒斬有臯者以徇曰莫如此淫逸不可禁也王乃命有司大徇於軍曰有父母者老而無昆弟

已止也其歸若已猶云或歸於國或止於此不必從戎也

者以告王親命之曰我有大事子有父母者老而子爲我死子之父母將轉於溝壑子爲我禮已重矣子歸沒而父母之世後若有事吾與子圖之明日徇於軍曰有兄弟四五人皆在此者以告王親命之曰我有大事子有昆弟四五人皆在此事若不捷則是盡也擇子之所欲歸者一人明日徇於軍曰有眩瞽之疾者告王親命之曰我有大事子有眩瞽之疾其歸若已後若有事吾與子圖之明日徇於軍曰筋力不足以勝甲兵志行不足以聽

雅字

雅字

戰國策兩軍
交和而舍注
云軍門曰和
此接和恐是
與吳地之守
者交兵相接
耳作上下相
和解不應下
復有志行不
果者矣

陣法

命者歸莫告明日遷軍接餽斬有臯者以徇曰莫
如此志行不果於是人有致死之心王乃命有司
大徇於軍曰謂二三子歸而不歸處而不處進而
不進退而不退左而不左右而不右身斬妻子鬻
於是吳王起師軍於江北越王軍於江南越王乃
中分其師以為左右軍以其私卒君子六千人為
中軍明日將舟戰於江及昏乃令左軍銜枚泝江
五里以須亦令右軍銜枚踰江五里以須夜中乃
令左軍右軍涉江鳴鼓中水以須吳師聞之大駭

皆命

簡質然無不
盡

曰越人分為二師將以夾攻我師乃不待旦亦中
分其師將以禦越越王乃令其中軍銜枚潛涉不
鼓不譟以襲攻之吳師大北越之左軍右軍乃遂
涉而從之又大敗之於沒又郊敗之三戰三北乃
至於吳越師遂入吳國圍王宮吳王懼使人行成
曰昔不穀先委制於越君君告孤請成男女服從
孤無奈越之先君何畏天之不祥不敢絕祀許君
成以至於今今孤不道得臯於君王君王以親辱
於孤之敝邑孤敢請成男女服為臣御越王曰昔

國語 吳

句音鈎內傳
九具切

天以越賜吳而吳不受。今天以吳賜越，孤敢不聽天之命而聽君之令乎？乃不許成，因使人告於吳。王曰：天以吳賜越，孤不敢不受，以民生之不長，王其無死，民生於地上，寓也，其與幾何？寡人其達王於甬句東，夫婦三百，唯王所安，以沒王年。夫差辭曰：天既降禍於吳國，不在前後，當孤之身，實失宗廟社稷，凡吳土地人民，越既有之矣。孤何以視於天下？夫差將死，使人說於子胥曰：使死者無知，則已矣。若其有知，吾何面目以見負也。遂自殺，越滅。

與齊語結句
同法同意

吳上征上國，宋鄭魯衛陳蔡執玉之君皆入朝，夫唯能下其羣臣以集其謀故也。

圓曰：困，方曰：鹿，蒲，深蒲也。不須至之會，不待遠兵也。中國，國都也。從我言從我而戰也。將不能之會，言吳邊鄙雖來，將不能會戰。禦兒，越北境。今嘉興。吳邊鄙兵若至，以禦兒之民臨敵之。遂可出使，出奔也。申包胥，楚大夫。王孫包胥也。銓，稱也。阿，曲從也。審物，說云：別物善惡。韋氏云：謂旌旗物色徽幟之屬。辨別也。備，守禦之備。聲，謂鐘鼓進退之聲。聲不審，則衆惑也。必審之，使孰思計之也。道術也。過五日則晚矣。軍當出也。故術將不行。闔左闔，陽開陰示幽也。去筭，去飾也。側，猶特也。禮，憂者側席而坐。檐，說云：檐，屋外邊壇也。唐尚書云：屋名也。韋云：檐，謂之檐。檐，門戶掩陽也。壇，列在野。所以講列士衆。誓，告之處。環，金玉之環。璵，塞耳。問，遺也。通行賂以亂軍也。

子為我禮已重言去父母而來也。若已之若汝也。已止也。接餼上下皆餼也。江吳江去吳五十里。須須後命也。不言越委制於吳而言先委制於越。謙而反之也。其與幾何言幾何時。甬句東東海口外洲。上國中國也。

皇明萬曆己未仲秋烏程閔齊伋遇五父裁注



國語第九

越

越王句踐棲於會稽之上乃號令於三軍曰凡我

父兄昆弟及國子姓有能助寡人謀而退吳者吾

與之共知越國之政大夫種進對曰臣聞之賈人

夏則資皮冬則資絺精理消德早則資舟水則資車以待乏

也夫雖無四方之憂然謀臣與爪牙之士不可不

養而擇也譬如蓑笠小未時雨既至必求之今君王既

棲於會稽之上然後乃求謀臣無乃後乎句踐曰

二卷俱紀載
報吳事而此
為特為簡勁
事首尾雖具
然終為不同
想由所傳各
異中所以觀
文之廢

蓑一作哀

辭命

精工謀吳語
然却勁快

黃池訪盟即
此故智

苟得聞子大夫之言何後之有執其手而與之謀
遂使之行成於吳曰寡君句踐乏無所使使其下
臣種不敢徹聲聞於天王私於下執事曰寡君之
師徒不足以辱君矣願以金玉子女賂君之辱請
句踐女女於王大夫女女於大夫士女女於士越
國之寶器畢從寡君帥越國之衆以從君之師徒
唯君左右之若以越國之臯為不可赦也將焚宗
廟係妻祭沈金玉於江有帶甲五千人將以致死
乃必有偶是以帶甲萬人以事君也無乃即傷君

王之所愛乎與其殺是人也寧其得此國也其孰
利乎夫差將欲聽與之成子胥諫曰不可夫吳之
與越也仇讎敵戰之國也三江環之民無所移有
吳則無越有越則無吳將不可改於是矣負聞之
陸人居陸水人居水夫上黨之國我攻而勝之吾
不能居其地不能乘其車夫越國吾攻而勝之吾
能居其地吾能乘其舟此利也不可失也已君必
滅之失此利也雖悔之亦無及已越人飾美女八
人納之大宰嚭曰子苟赦越國之臯又有美於此

者將進之。大宰詔諫曰：「詔聞古之伐國者，服之而已。今已服矣，又何求焉？夫差與之成而去之，句踐說於國人曰：『寡人不知其力之不足也，而又與大國執讎，以暴露百姓之骨於中原，此則寡人之臯也。』寡人請更。於是葬死者，問傷者，養生者，弔有憂賀者，喜送往者，迎來者，去民之所惡，補民之不足。然後卑事夫差，宦士三百人於吳，其身親爲夫差前馬，句踐之地南至於句無，北至於禦兒，東至於鄞，西至於姑蔑，廣運百里，乃致其父兄昆弟而誓。

之曰：「寡人聞古之賢君，四方之民歸之，若水之歸下也。今寡人不能將帥二三子夫婦，以蕃命壯者，無取老婦，令老者無取壯妻，女子十七不嫁，其父母有臯，丈夫二十不取，其父母有臯，將免者以告。公令醫守之，生丈夫，二壺酒，一犬；生女子，二壺酒，一豚；生三人，公與之母，生二人，公與之餼。當室者死，三年釋其政；支子死，三月釋其政。必哭泣葬埋之，如其子；令孤子寡婦，疾疹貧病者，納宦其子，其達士潔其居，美其服，飽其食，而摩厲之於義，四方

之士來者必廟禮之。句踐載稻與脂於舟以行國之孺子之游者無不饋也。無不歡也。必問其名。非其身之所種則不食。非其夫人之所織則不衣。十年不收於國民。居有三年之食。國之父兄請曰。昔者夫差恥吾君於諸侯之國。今越國亦節矣。請報之。句踐辭曰。昔者之戰也。非二三人之臯也。寡人之臯也。如寡人者安與知恥。請姑無庸戰。父兄又請曰。越四封之內親吾君也。猶父母也。子而思報父母之仇。臣而思報君之讎。其有敢不盡力者乎。

請復戰。句踐既許之。乃致其衆而誓之。曰。寡人聞古之賢君不患其衆之不足也。而患其志行之少也。今夫差衣水犀之甲者億有三千。不患其志行之少也。而患其衆之不足也。今寡人將助天滅之。吾不欲匹夫之勇也。欲其旅進旅退也。進則思賞。退則思刑。如此則有常賞。進不用命。退則無恥。如此則有常刑。果行國人皆勸。父勉其子。兄勉其弟。婦勉其夫。曰。孰是君也。而可無死乎。是故敗吳於圍。又敗之於沒。又郊敗之。夫差行成。曰。寡人

句音鈞內傳
作九具切

禮先一飯將
死自解之辭
言已曾君臨
句踐而制有
越國今雖敗
亡却先句踐
一着

之師徒不足以辱君矣。請以金玉子女賂君之辱。句踐對曰：昔天以越賜吳，而吳不受。今天以吳予越，越可以無聽天之命而聽君之令乎？吾請達王。甬句東，吾與君為二君乎？夫差對曰：寡人禮先壹飯矣。君若不忘周室而為敝邑宸宇，亦寡人之願也。君若曰：吾將殘女社稷，滅女宗廟，寡人請死。余何面目以視於天下乎？越君其次也。遂滅吳。

山處曰棲。號令三軍而言父兄昆弟者，方在危阨。親而呼之，國子姓年在衆子同姓之列者，進女為女，女偶對也。言致死則必有對。赦越鼻，是得帶甲萬人以事君矣。民無所移言非吳則越

也。黨所也。上所之國。謂中國。前馬前驅在馬前也。諸暨有句無亭，嘉興有語兒鄉，即禦兒也。姑篾今太湖東西為廣，南北為運，言取境內近者百里之中耳。蕃息也。免乳也。母乳母也。常室適子。支子庶子。宦仕也。仕其子而教之。廩以食之也。廟禮禮之於廟。告先君也。稻糜脂膏也。少恥謂進不念功。臨難苟免。億有三千言多也。旅俱也。孰是君言誰有恩惠如是君者。禮先壹飯言已年長於越王，覺差一飯之間，欲以少長求免也。宸，屋霽宇邊也。喻庇覆吳也。次，舍也。

舊本分此以下為下卷蓋當時見聞不一故著書者兩存之
柳宗元曰越之下篇尤奇峻而其事多雜蓋非出於左氏吾乃今

越王句踐即位三年而欲伐吳。范蠡進諫曰：夫國家之事，有持盈，有定傾，有節事。王曰：為三者奈何？范蠡對曰：持盈者與天定傾者與人節事者與地。王不問，蠡不敢言。天道盈而不溢，盛而不驕，勞而

國語 越

知文之可以
行於遠也
彼庸蔽奇怪
之語而黼黻
之金石之用
震曜後世之
耳目而讀者
莫之或非反
謂之近經則
知文者可不
慎耶

貳言猶言貳
心故曰吾已
斷之註非

國語一書深
厚渾樸周魯
尚矣如其妙
理瑋辭驟讀
之而心驚潛
玩之而味永
還須以此壓
卷

不矜其功。夫聖人隨時以行。是謂守時。天時不作。
弗為。人客。人事不起。弗為之始。今君王未盈而溢。
未盛而驕。不勞而矜其功。天時不作。而先為人客。
人事不起。而創為之始。此逆於天。而不蘇於人。王
若行之。將妨於國家。靡王躬身。王弗聽。范蠡進諫。
曰。夫勇者。逆德也。兵者。凶器也。爭者。事之末也。陰
謀。逆德。好用凶器。始於人者。人之所卒也。淫佚之
事。上帝之禁也。先行此者。不利。王曰。無是貳言也。
吾已斷之矣。果興師而伐吳。戰於五湖。不勝。棲於

會稽。王召范蠡而問焉。曰。吾不用子之言。以至於
此。為之奈何。范蠡對曰。君王其忘之乎。持盈者。與
天定。傾者。與人節。事者。與地。王曰。與人奈何。范蠡
對曰。卑辭尊禮。玩好女樂。尊之以名。如此。不已。又
身與之市。王曰。諾。乃令大夫種行。成於吳。曰。請士
女。女於士。大夫女。女於大夫。隨之以國家之重器。
吳人不許。大夫種來而復往。曰。請委管籥。屬國家。
以身隨之。君王制之。吳人許諾。王曰。蠡為我守於
國。范蠡對曰。四封之內。百姓之事。蠡不如種也。四

略說

國語越

務為志論
務又多用
自別圖一
種文字

暢論地德可
作一篇坤元
賦

此下是與地
之意

詳論

因以為常因
彼國之德虐
以為常而我
無預設之形

封之外敵國之制立斷之事種亦不如蠡也王曰
諾令大夫種守於國與范蠡入宦於吳三年而吳
人遣之歸反至於國王問於范蠡曰節事奈何范
蠡對曰節事者與地唯地能包萬物以為一其事
不失生萬物容畜禽獸然後受其名而兼其利美
惡皆成以養生時不至不可彊生事不究不可彊
成句法自若以處以度天下待其來者而正之因時之
所宜而定之同男女之功除民之害以避天殃田
野開闢府倉實民衆殷無曠其衆以為亂梯時將

有反事將有閒必有以知天地之恒制乃可以有
天下之成利事無閒時無反則撫民保教以須之
王曰不穀之國家蠡之國家也蠡其圖之范蠡對
曰四封之內百姓之事時節三樂不亂民功不逆
天時五穀稔孰民乃蕃滋君臣上下交得其志蠡
不如種也四封之外敵國之制立斷之事因陰陽
之恒順天地之常柔而不屈彊而不剛德虐之行
因以為常死生因天地之刑天因人聖人因天人
物音險自生之天地形之聖人因而成之是故戰勝而不

此下徹首尾
當為一章

報取地而不反。兵勝於外，福生於內，用力甚少而名聲章明，種亦不如蠡也。王曰：諾，令大夫種為之。
與天法天也。與人取人之心也。與地法地也。靡損也。始於人者，人之所卒。言始以伐人，人終害之也。貳言陰謀淫佚之二言也。五湖，今太湖。身與之市，謂以身隨之，以為一不偏也。不失，不失時也。受其名，受其功名也。兼其利，萬物終歸於地也。自若，無妄動也。功，農穡絲枲之功。反，還也。三樂，三時之務，使之勤事樂業也。種，和也。德，虐之行，因以為常。唐尚書云：言無德行虐，習以為常。昭謂德有所懷柔及爵賞也。虐，謂有所斬伐及黜奪也。以為常，以為常法也。刑法也。

四年，王召范蠡而問焉，曰：先人就世，不穀即位，吾年既少，未有恒常，出則禽荒，入則酒荒，吾百姓之不圖，惟舟與車，上天降禍於越，委制於吳，吳人之那不穀亦又甚焉，吾欲與子謀之，其可乎？范蠡對曰：未可也。蠡聞之，上帝不考，時反是守，疆索者不祥，得時不成，反受其殃，失德滅名，汙走死亡，有奪有予，有不予，王無蚤圖，夫吳君王之吳也，王若蚤圖之，其事又將未可知也。王曰：諾。

亦古流字

那於也。甚焉，言見困苦也。考，成也。天未成，越當守天時。天時反，乃可以動耳。得天時而人弗能成，則反受其殃。夫差克越，可取而不取，後反見滅，是也。有奪，予而復奪也。有予，天所授也。不予，天所去也。

國語越

又一年王召范蠡而問曰吾與子謀吳子曰未可也今吳王淫於樂而忘其百姓亂民功逆天時信○句○法○讒喜優憎輔遠弼聖人不出忠臣○雋○解骨皆曲相御天應未也王姑待之王曰諾

賈唐二君云解骨子胥伏屬鏤也昭謂此時子胥未死言體骨解倦不復念忠耳御猶將也

又一年王召范蠡而問焉曰吾與子謀吳子曰未可也今申胥驟諫其王王怒而殺之其可乎范蠡對曰逆節萌生天地未形而先爲之征其事是以

不成雜受其刑王姑待之王曰諾

未形天地之占未見也征征伐雜猶俱也刑害也

又一年王召范蠡而問焉曰吾與子謀吳子曰未可也今其稻蟹不遺種○消○法○其可乎范蠡對曰天應至矣人事未盡也王姑待之王怒曰道固然乎妄其欺不穀邪吾與子言人事子應我以天時今天應至矣子應我以人事何也范蠡對曰王姑勿怪夫人事必將與天地相參然後乃可以成功今其禍新民恐其君臣上下皆知其資財之不足以支長

久也。彼將同其力，致其死，猶尚殆。王其且馳騁弋
獵，無至禽荒，宮中之樂，無至酒荒，肆與大夫觴飲，
無忘國常。彼其上將薄其德，民將盡其力，又使之
望而不得食，乃可以致天地之殛。王姑待之。

上將薄其德，民將盡其力。言吳王見越馳騁射
獵，不以爲意，必不修德，而縱私好，以盡民力也。
望而不得食，怨望於上，而天又奪之食也。

至於玄月，王召范蠡而問焉，曰：「諺有之曰：『觥飯不
及壺殮，今歲晚矣。』子將奈何？」范蠡對曰：「微君王之
言，臣固將謁之。臣聞從時者，猶救火追亡人也。蹶

而趨之，唯恐弗及。王曰：「諾。」遂興師伐吳。至於五湖，
吳人聞之，出挑戰。一日五反，王弗忍，欲許之。范蠡
進諫曰：「謀之廊廟，失之中原，其可乎？王姑勿許也。」
臣聞之，得時無怠，時不再來。天子不取，反爲之災。
羸縮轉化，後將悔之。天節固然，唯謀不遷。王曰：「諾。」
弗許。范蠡曰：「臣聞古之善用兵者，羸縮以爲常。四
時以爲紀，無過天極，究數而止。天道皇皇，日月以
爲常。明者以爲法，微者則是行。陽至而陰，陰至而
陽。日困而還，月盈而匡。古之善用兵者，因天地之

常與之俱行。後則用陰。先則用陽。近則用柔。遠則用剛。後無陰蔽。先無陽察。用人無莠。往從其所。剛彊以禦陽節。不盡不死。其野彼來從我。固守勿與。若將與之。必因天地之災。又觀其民之饑飽勞逸。以參之。盡其陽節。盈吾陰節。而奪之。宜為人客。剛彊而力疾。陽節不盡。輕而不可取。宜為人主。安徐而重固。陰節不盡。柔而不可迫。凡陳之道。設右以爲牝。益左以爲牡。蚤晏無失。必順天道。周旋無究。今其來也。剛彊而力疾。王姑待之。王曰。諾。弗與戰。

務命

直而婉淺而

還音旋或如字

俞或作愈

兼注

居軍三年。吳師自潰。吳王帥其賢良。與其重祿。以上姑蘇。使王孫雄行成於越。曰。昔者上天降禍於吳。得臯於會稽。今君王其圖不穀。不穀請復會稽之。蘇王弗忍。欲許之。范蠡進諫曰。臣聞之。聖人之功。時爲之庸。得時弗成。天有還形。天節不遠。五年復反。小凶則近。大凶則遠。先人有言曰。伐柯者。其則不遠。今君王不斷其忘會稽之事乎。王曰。諾。不許。使者往而復來。辭俞卑。禮俞尊。王又欲許之。范蠡諫曰。孰使我蚤朝而晏罷者。非吳乎。與我爭三。

與。若。相。在。

越

子
抱音乎或音

江五湖之利者非吳邪夫十年謀之一朝而棄之其可乎王姑勿許其事將易冀已王曰吾欲勿許而難對其使者子其對之范蠡乃左提鼓右援枹以應使者曰昔者上天降禍於越委制於吳而吳不受今將反此義以報此禍吾王敢無聽天之命而聽君王之命乎王孫雄曰子范子先人有言曰無助天為虐助天為虐者不祥今吾稻蟹不遺種子將助天為虐不忌其不祥乎范蠡曰王孫子昔吾先君固周室之不成子也故濱於東海之陂鼃

鼃魚鼃之與處而鼃蛙鼃之與同階余雖覲禮然而人面哉吾猶禽獸也又安知是譏譏者乎王孫雄曰子范子將助天為虐助天為虐不祥雄請反辭於王范蠡曰君王已委制於執事之人矣子往矣無使執事之人得舉於子使者辭反范蠡不報於王擊鼓興師以隨使者至於姑蘇之宮不傷越民遂滅吳反至五湖范蠡辭於王曰君王勉之臣不復入於越國矣王曰不穀疑子之所謂者何也范蠡對曰臣聞之為人臣者君憂臣勞君辱臣死昔者

今本作人

國語
君王辱於會稽臣所以不死者為此事也今事已
濟矣蠡請從會稽之罰王曰所不掩子之惡揚子
之美者使其身無終沒於越國子聽吾言與子分
國不聽吾言身死妻子為戮范蠡對曰臣聞命矣
君行制臣行意遂乘輕舟以浮於五湖莫知其所
終極王命工以良金寫范蠡之狀而朝禮之浹日
而令大夫朝之環會稽三百里者以為范蠡地曰
後世子孫有敢侵蠡之地者使無終沒於越國皇
天后土四鄉地主正之

爾雅曰九月為玄月。觥大也。盛饌未具。不及壺
殮之救饑疾。言已欲滅吳。以快意得之而已。不
能待有餘力也。弗忍不忍其忿也。以為常隨其
羸縮也。紀猶法也。四時有轉運。用兵有利鈍也。
明謂日月盛滿時也。微謂虧損薄食也。法其明
者以進取。行其微時以隱遁。困窮也。匡虧也。後
後動。先先動也。用陰謂沈重固密。用陽謂輕疾
猛厲。敵近則用柔順。示之以弱。遠則抗威厲辭。
以亢禦。後動者泰舒靜。為陰蔽。先動者泰顯露。
為陽察。蕤射的也。無蕤無常所也。行軍用人之
道。因敵為制。不豫設也。故曰往從其所。剛彊以
禦。言敵以剛彊來禦已。其陽節未盡。尚未可克。
故曰不死其野。勿與。勿與之戰也。因天地之災
言彼有災變。則可與戰耳。先動為客。於時宜為
人客。剛彊力疾。陽數未盡。雖輕易人。猶不可得
取也。時宜為主人。安徐重固。陰數未盡。雖柔不
可困迫也。陳有牝牡。使相受也。無究無窮。若日
月然也。不成子言越本蠻夷小國。於周室爵列

國語 越

不能成子也。水邊曰階。談談巧辯之言。反辭於
王。謂以辭告越王。從甲至甲為浹日。浹。匝也。
注國語者漢有鄭眾賈逵魏有王肅吳有虞翻
唐固韋昭晉有孔晁歷世久多所散佚其以全
書傳者獨韋氏解耳弘嗣因鄭賈之精確採虞
唐之博瞻輯而成書患不在寡若之汰之或者
有所未盡與夫眩精猶以了義當不厭詳期指
點而會心宜掣其要竊不自量輒為裁注如右
皇明萬曆己未長至日烏程閔齊伋遇五父識



時士子尚險怪竒澀之文號太學體張方平言文章之
變與政通邇來文格日失其舊各出新意相勝為竒驅

扇浮薄重虧雅俗非取賢歛才備治具之意歐陽修知
貢舉痛抑新體時所推譽皆不在選澆薄之士侯修
晨朝羣聚詆斥之然文體亦少變矣護國節度同平

章狄青謚武襄詔諸郡置廣惠倉韓琦范仲淹弼

宋史稱進士自鄉舉至廷試皆第一纔三人王曾宋庠
馮京宋庠禮部試第三弟初試第一章獻太后臨
朝謂弟不可先兄易庠第一馮京廷試第一沈遘弟
綏州之役論者謂种諤襲取名山為非計愚以為不替化
自拓拔竊據淪百年替裳化為左社華族處於醜類原
仰觀高后聽政之際起司馬光呂光著程頤貶呂嘉問

陛下即位之初邪臣納說上誤聰明浸成禍患去年永樂之
役兵民死亡者數十萬今以戍未解百姓窮困豈諱過恥貶敗
安石病國虐民滔天之罪神宗因太后之言不能貶黜以正王
孔孟既沒宋儒挺生濂溪太極橫渠西銘明道伊川發微闡
幽朱子述之用集大成貶黜功利詆排佛老繼功往開來厥功



